



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Formula deputationis curatorum Monasterij Monialium.

**urn:nbn:de:hbz:466:1-10502**

aut eis dandi, neque eis absque speciali licentia in quouis alia re deseruendi, & alia non solum Capellanis Monialium, sed etiam alijs Clericis secularibus & regularibus respectu Monialium præscripta exactè seruabis. Et prædicta omnia & singula sub pœna in edictis nostris contenta, & maiori nobis arbitraria.

Missæ sacrum ne facias sine ministro clericali habitu induto, eoque decenti, ad præscriptum nostrarum Constitutionum.

Has autè nostras literas tibi ad tantum suffragari volumus: Dat. . . .

Formula licentiæ pro clerico qui Missæ inseruiat, & alia ministeria præstet in Ecclesia Monialium.

**S**I concede licentia à N. Chierico, che per mensi . . . possa seruire nella Chiesa esteriore delle Monache di S. N. per rispondere alle Messe, & fare l'altre fontioni pertinenti à lui; e per detto effetto possa ragionare con la Sacrista maggiore alla Rota della detta Chiesa, & con la Madre M. & seruando gli ordini prescritti. Dall' Arciuescolato &c.

Formula deputationis eius qui alloquendi Moniales licentiam concedat in Diocesi.

**C**AROLVS &c. Dilecto nobis in Christo N. nostræ Mediolanen. Dioc. salutem in Domino. Pro nostra Pastoralis cura & sollicitudine, necessitatibus Monasterij Monialium S. N. ac pro obseruatione decreti nostri Prouincialis de non acceden. ad Parlatoria & Rotas Monasteriorum absque licentia, à nobis vel Vicario nostro solo tradenda, opportunè consulere volentes, & nè qui ex causis rationabilibus alloqui Moniales quandoque cupiunt, nimis fatigentur; Tibi, de cuius prudentia, pietate, ac morum probitate in Domino consulimus, vt laicis solum tibi bene visis ac probatis . . . ad colloquutionum fenestellas, seu Parlatoria, ac Rotas Monasterij prædicti acceden.

ac ibi Præfectas; & alias Moniales, ac seculares puellas alloquendi, facultatem dare possis & valeas, non tamen tempore Aduentus, neque Quadragesimæ, neque festis diebus; ac item Capellanis ordinarijs legitime impeditis, vel absentibus, in casibus necessitatis, nè Moniales Missæ sacrificio quotidie priuentur, alios Sacerdotes ex approbatis, ad quindecim dies tantum approbare & substituere, eis adiecta lege, nè cum Monialibus colloquantur, & seruatis alijs conditionibus Capellanis ordinarijs Monasteriorum præscriptis, his nostris ad præsentem annum valituris potestatem facimus, ac licentiam impartimur. In quorum fidem &c. Ex ædibus nostris Archiepiscopalibus die . . .

Formula deputationis curatorum Monasterij Monialium.

**C**AROLVS &c. Dilectis nobis in Christo N. N. salutem in Domino &c. Cum ex sacri Concilij Tridentini præscripto, inter cætera sollicitudini atque Curæ Episcoporum commissa, & Monialium regimen, etiam in temporalibus summoperè commendetur; Nos alijs grauioribus curis impliciti, tam nostra, quàm Concilij prædicti, & Prouincialium Decretorum auctoritate, aliquos nobiles viros, ætate graues, pietateque & integritate insignes deligere censuimus, qui protectioni, curæ, & defensionis rerum temporalium S. N. ad præscriptum supradictorum decretorum præsent. De vestra itaque probitate, diligentia, & integritate plurimum in Domino confisi, vos omnes, & singulos, & vestrum quilibet, ad præmissum dictarum sanctimonialium, earumque Monasterij bonorum & iurium curam, protectionem, & defensionem, aliasque ipsarum necessarias quoad temporalia prouisiones, harum serie eligimus, constitui-mus, & deputamus; seruata tamen semper in omnibus forma, tam ex Tridentini, Conciliorumque nostrorum decretis, quàm ex prædictarum Monialium regulis præscripta, & vt nihil, nisi ex voto & deliberatione saltem duorum

ex vobis, inter quos semper fit Reu. N. fiat, agaturve: Cum facultate etiam & licentia vobis omnibus & singulis, tam coniunctim, quam diuisim, ratione premissorum alloquendi RR. N. N. & Cancellariam, & Discretam dicti Monasterij diebus tantum feriatis; & seruatis alijs seruandis; his nostris ad annum valittris. In quorum fidem &c. Dat.

Formula facultatis colligendi eleemosynas.

**C**AROLVS, &c. Dilecto nobis in Christo. Tibi N. homini laico, cuius vita, & mores, per testificationes nobis factas, probantur, cum praesertim nunquam ipse fueris ex numero quæstorum, quos damnat sancta Tridentina Synodus, his nostris literis, eleemosynas nomine Ecclesiae N. petendi facultatem damus, his infra per te seruatis conditionibus.

Eleemosynas solum intra fines Parochiae Sancti N. eiusque viciniam ostiatim colligas licet.

Præ foribus eiusdem Ecclesiae, in ijs petendis subsistens, nullo modo per Ecclesiam vagando, procurare, aut colligere eas tibi licebit.

Vas illud, quodcunque sit, quo vteris ad eleemosinam excipiendam, duabus clauibus claudatur, quæ diuerso fabri li opere sint.

Earum altera apud N. à nobis electum, altera verò apud eum, qui pro tempore à nobis deligetur, semper sit.

Illud officium gratis, vel constituta certa mercede præstabis. Nec villo modo eleemosinae particeps sis.

Formula facultatis colligendi eleemosinam pro confratRIA sanctissimi Sacramenti.

**C**AROLVS &c. Sodalitati sanctissimi Sacramenti, ad vsum eleemosinae excipiendae colligendaeve, capsulam in Ecclesia N. exponendi collocaudive facultatem, his nostris literis damus, conditionibus seruatis, quæ infra præscribuntur.

Capsulae sit forma, praefecti nostri iudicio probata.

Duabus clauibus, diuerso opere fabri li confectis claudatur.

Earum altera apud N. à nobis electum, altera verò apud eum, qui pro tempore à sodalitate deligetur, semper erit. Loco congruo, eiusdem praefecti nostri iudicio collocetur.

Capsulae assistat, qui matura ætate, & probatis moribus sit.

Is illud officium gratis præstabit; nec villo modo eleemosinarum particeps sit.

Eleemosina collecta, verè ad piū tantummodo eiusdem sodalitates vsum, cuius nomine petetur, conferatur, ex illius probatorum institutorum praescripto.

Formula facultatis colligendi eleemosinam in vrbe & diocesi.

**C**AROLVS &c. Dilecto nobis in Christo Sal. Necessitatibus, ac alijs domesticis difficultatibus . . . quantum possumus succurrere volentes; Tibi homini laico, cuius vita, & morum probitas, nobis per testificationes factas commendantur, cum praesertim ipse nunquam fueris de numero quæstorum, quos damnat sancta Tridentina Synodus, eleemosinas . . .

quærere, petere, ac colligere, in his nostris licere volumus, praestito prius per te corporaliter tactis scripturis iuramento, quod eleemosinas quas collegeris, fideliter . . .

consignabis, nec indulgentias aliquas promulgabis, non praedicabis, nec orationes recitabis; privilegia nulla, aut Sanctorum imagines, vel campanelas, aut alia quæstoris insignia deferes, vel ostendes; nec minis, aut persuasionibus, vel alio aliquo indirecto modo seu artificio; sed piè, simpliciter, & omni conueniente modestia tibi ad effectum & finem praedictum illas erogari curabis.

Omnibus praeterea Praepositis, Vicarijs nostris foraneis, & Rectoribus Ecclesiarum praecipimus & mandamus, vt suis quique in Ecclesijs populo te suo commendent, ad promptamque tibi exhiben-